

## **RESOLUCIÓN DA XERENCIA DO CONSORCIO GALEGO DE SERVIZOS DE IGUALDADE E BENESTAR POLA QUE SE ABRE O PRAZO DE PRESENTACIÓN DE SOLICITUDES PARA A ELABORACIÓN DAS LISTAXES DE AGARDA PARA A COBERTURA CON CARÁCTER TEMPORAL DE POSTOS DE TRABALLO DESTE CONSORCIO**

O Comité Directivo do Consorcio Galego de Servizos de Igualdade e Benestar aprobou, na sesión de 3 de marzo de 2008, as *Bases xerais do procedemento de elaboración de listaxes de agarda para a contratación de persoal laboral temporal do Consorcio Galego de Servizos de Igualdade e Benestar e a súa regulación* (DOG núm. 57, do 25 de marzo de 2008)

Con data de 13 de marzo de 2008, a presidencia do Consorcio ditou a resolución pola que se abriu o prazo de presentación de solicitudes para a elaboración das listaxes de agarda para a cobertura con carácter temporal de postos de traballo deste consorcio (DOG núm. 59, do 27 de marzo de 2008).

A abeiro da antedita resolución foron elaboradas as listaxes de agarda para a cobertura con carácter temporal de postos de traballo do Consorcio para aqueles casos nos que a listaxe de agarda do proceso selectivo correspondente se esgotara ou non se tivera convocado proceso selectivo.

Con data de \*\* de \*\*\* de 2016, o Comité Directivo do Consorcio Galego acordou a modificación das Bases xerais.

Tendo en conta o tempo transcorrido desde a celebración dos referidos procesos selectivos así como da aprobación e publicación das devanditas listaxes, resulta necesaria a elaboración dunhas novas listaxes que permitan garantir a cobertura de postos de traballo do Consorcio dun xeito áxil e eficaz, superando as eivas orixinadas na súa xestión. Xa que logo, coa presente convocatoria, e ao abeiro das anteditas *Bases xerais*, preténdese a confección dunha única listaxe por categoría e ámbito territorial, resultante cada unha delas dun novo proceso de baremación de méritos, aberto a todas aquelas persoas que desexen participar nel.

En consecuencia, procédese á convocatoria para a elaboración de novas listaxes de agarda nas categorías e ámbitos territoriais incluídos na presente resolución, segundo o previsto nas *Bases xerais do procedemento de elaboración de listaxes de agarda para a cobertura con carácter temporal de postos de traballo do Consorcio*.

O persoal así seleccionado pasará a integrar ás listaxes de agarda do Consorcio nas categorías e ámbitos territoriais previstos na presente convocatoria, para a cobertura con carácter temporal de postos de traballo do Consorcio, segundo o previsto nas bases que rexen este procedemento.

En atención ao exposto, dítase a resolución pola que se abre o prazo de presentación de solicitudes para a elaboración das listaxes de agarda para a cobertura con carácter temporal de postos de traballo deste Consorcio.

### **Artigo 1. Obxecto**

A presente resolución ten por obxecto a apertura do prazo de presentación de solicitudes para a elaboración das listaxes de agarda para a cobertura con carácter temporal de postos de traballo do Consorcio nas categorías e ámbitos territoriais previstos no artigo 2.

As persoas así seleccionadas pasarán a integrar as listaxes de agarda do Consorcio na categoría e ámbito territorial que corresponda en cada caso, para a cobertura con carácter temporal de postos de traballo do Consorcio.

### **Artigo 2. Ámbito de aplicación**

A presente convocatoria ten por obxecto a ampliación das listaxes de agarda correspondentes ás seguintes categorías e ámbitos territoriais<sup>1</sup>:

<b>CATEGORÍA – ESCOLAS INFANTÍS</b>	<b>ÁMBITO TERRITORIAL</b>
MESTRES/AS	A CORUÑA
MESTRES/AS	LUGO
MESTRES/AS	OURENSE
MESTRES/AS	PONTEVEDRA
EDUCADORES/AS INFANTÍS	A CORUÑA
EDUCADORES/AS INFANTÍS	LUGO
EDUCADORES/AS INFANTÍS	OURENSE
EDUCADORES/AS INFANTÍS	PONTEVEDRA
PSX	A CORUÑA
PSX	LUGO
PSX	OURENSE
PSX	PONTEVEDRA

<sup>1</sup> *Pendente determinar outro ámbito territorial inferior ao provincial, en cuxo caso estaría entre os ámbitos previstos para o persoal da Consellería de Política Social, así como tamén o límite no número de ámbitos aos que poderían inscribirse os/as solicitantes, e de ser o caso, aquelas categorías nas que estaría limitada a posibilidade de inscrición noutras categorías distintas.*

<b>CATEGORIA – CENTROS DE ATENCIÓN ÁS PERSOAS MAIORES (CD/FR/VVCC/CEMVI)</b>	<b>AMBITO TERRITORIAL</b>
ENFERMARÍA	A CORUÑA
ENFERMARÍA	LUGO
ENFERMARÍA	OURENSE
ENFERMARÍA	PONTEVEDRA
INTERVENCIÓN PSICOLÓXICA	A CORUÑA
INTERVENCIÓN PSICOLÓXICA	LUGO
INTERVENCIÓN PSICOLÓXICA	OURENSE
INTERVENCIÓN PSICOLÓXICA	PONTEVEDRA
FISIOTERAPIA	A CORUÑA
FISIOTERAPIA	LUGO
FISIOTERAPIA	OURENSE
FISIOTERAPIA	PONTEVEDRA
INTERVENCIÓN SOCIAL	A CORUÑA
INTERVENCIÓN SOCIAL	LUGO
INTERVENCIÓN SOCIAL	OURENSE
INTERVENCIÓN SOCIAL	PONTEVEDRA
INTERVENCIÓN SOCIOEDUCATIVA	A CORUÑA
INTERVENCIÓN SOCIOEDUCATIVA	LUGO
INTERVENCIÓN SOCIOEDUCATIVA	OURENSE
INTERVENCIÓN SOCIOEDUCATIVA	PONTEVEDRA
TERAPIA OCUPACIONAL	A CORUÑA
TERAPIA OCUPACIONAL	LUGO
TERAPIA OCUPACIONAL	OURENSE
TERAPIA OCUPACIONAL	PONTEVEDRA
XEROCULTOR/A	A CORUÑA
XEROCULTOR/A	LUGO
XEROCULTOR/A	OURENSE
XEROCULTOR/A	PONTEVEDRA
PSX	A CORUÑA
PSX	LUGO
PSX	OURENSE
PSX	PONTEVEDRA

### **Artigo 3. Prazo e lugar de presentación das solicitudes**

1. Os aspirantes disporán dun prazo de 20 días naturais a partir do seguinte á data da publicación do anuncio da convocatoria no DOG, para a presentación da súa solicitude no modelo normalizado, en unión da documentación que sexa pertinente.

2. As solicitudes presentaranse no rexistro xeral do Consorcio ou por calquera dos medios establecidos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, segundo a redacción dada pola Lei 4/1999, do 13 de xaneiro. No caso de presentaren a solicitude nun lugar distinto do Rexistro do Consorcio Galego de Servizos de Igualdade e Benestar, as persoas solicitantes remitirán por fax (nº 981 938 502) ou por correo electrónico ([listaxes.persoal@igualdadebenestar.org](mailto:listaxes.persoal@igualdadebenestar.org)) ao Consorcio unha copia da solicitude dentro do prazo previsto para a presentación das solicitudes.

3. No caso de que unha persoa solicite a súa inclusión en máis dunha categoría das permitidas, terá que presentar unha solicitude por categoría, xuntando a cada unha delas o xustificante de ingreso da taxa correspondente.

### **Artigo 4. Requisitos dos aspirantes**

Na data en que expire o prazo para a presentación das instancias, os aspirantes deberán reunir os seguintes requisitos:

- a) Ter a capacidade para contratar a prestación do seu traballo de acordo co previsto no artigo 7 do Estatuto dos Traballadores.
- b) Acreditar a nacionalidade española ou dun país da Unión Europea (en adiante UE) ou, de ser o caso, dispor de autorización para poder residir e traballar legalmente en España.
- c) Posuír a titulación que, segundo se fai constar no modelo de instancia, habilita para o exercicio da profesión correspondente ou estar en condicións de obtela dentro do prazo de presentación de solicitudes.

A titulación esixida para as categorías obxecto da presente convocatoria é a seguinte:

1.- Escolas infantís:

- **Mestres/as:** Diplomada/o en Maxisterio, especialidade en educación infantil, ou Diplomado en Profesorado de EXB, especialidade Preescolar, ou equivalente.
- **Educadores/as Infantís:** Técnico/a superior en Educación Infantil ou, Técnico/a especialista en Xardín de infancia, Diplomada/o en

Maxisterio, especialidade en educación infantil, ou Diplomado en Profesorado de EXB, especialidade Preescolar, ou equivalente.

- **PSX:** Graduado en Educación Secundaria Obrigatoria, FP1º ou equivalente.

2.- Centros de atención ás persoas maiores (CD/FR/VVCC/CEMVI):

- **Enfermaría:** diplomatura en Enfermaría ou equivalente
- **Intervención Psicolóxica:** licenciatura en Psicoloxía, Pedagogía ou titulación universitaria competente
- **Fisioterapia:** diplomatura en Fisioterapia ou titulación asimilada
- **Intervención Social:** diplomatura en Traballo Social ou especialidade universitaria competente
- **Intervención socioeducativa:** diplomatura en Educación Social ou titulación asimilada
- **Terapia ocupacional:** diplomatura en Terapia Ocupacional ou titulación asimilada
- **Persoal xerocultor:** ciclo superior de Aux. Enfermaría ou Técnico de atención sociosanitaria ou FP da rama clínica ou asimilado
- **Persoal de servizos xerais (PSX):** graduado en Educación Secundaria Obrigatoria, FP1º ou equivalente.

- d) No que respecta ao coñecemento da lingua galega deberase acreditar estar en posesión do certificado correspondente segundo o disposto no artigo 19 das *Bases xerais do procedemento de elaboración de listaxes de agarda para a cobertura con carácter temporal de postos de traballo do Consorcio.*

Para a acreditación do coñecemento da lingua estarase aos seguintes requisitos:

- Grupo I (Titulación universitaria superior): título ou certificado que acredite o grao de perfeccionamento do idioma galego ou Celga 4.
- Grupo II (Titulación universitaria de grao medio ou equivalente): título ou certificado que acredite o grao de perfeccionamento do idioma galego ou Celga 4.
- Grupo III (Titulación de bacharelato superior, BUP, FP2º ou equivalente): título ou certificado que acredite o grao de perfeccionamento do idioma galego ou Celga 4.

- Grupo IV (Título de graduado en educación secundaria obrigatoria, FP1º ou equivalente): título ou certificado que acredite o grao de iniciación do idioma galego ou Celga 3.
- e) Non estar separado do servizo de ningunha Administración pública en virtude de expediente disciplinario nin estar inhabilitado por sentenza firme para o exercicio de funcións públicas, ou non ter sido condenado por sentenza firme por algún delito contra a liberdade e a indemnidade sexual así como por trata de seres humanos ao abeiro da Lei Orgánica 1/1996 do 15 de xaneiro, de protección xurídica do menor, e de conformidade coas previsións contidas na Lei 26/2015, do 28 de xullo, de modificación do sistema de protección á infancia e á adolescencia.
- f) Presentar xustificante de ter aboadas as taxas administrativas establecidas polo Consorcio con carácter xeral para a inscrición nas listas para a cobertura temporal de postos de traballo, que ascenden a \*\*\* €<sup>2</sup>. Estarán exentos do pagamento destas taxas os que posúan unha discapacidade igual ou superior ao 33%, así como as persoas que sexan membros de familias numerosas clasificadas na categoría especial; no caso de membros de categoría xeral, terán unha bonificación do 50%. Estas circunstancias deberán ser acreditadas documentalmente xunto coa instancia.

A presentación do xustificante de ingreso das taxas en que non figure o selo da entidade bancaria coa indicación da data, determinará a exclusión do solicitante.

#### **Artigo 5. Acreditación de méritos avaliábeis**

Os méritos admisibles e valorables serán unicamente os causados ata o día da publicación da convocatoria, sempre que se acrediten no prazo de presentación das solicitudes.

A acreditación dos méritos alegados requirirá a incorporación de copia simple dos documentos auténticos, sen prexuízo de ser requirida a presentación dos documentos orixinais no momento no que se formalice a vinculación co Consorcio, tras o correspondente chamamento.

#### **Artigo 6. Formulación das solicitudes**

Cada aspirante aos chamamentos a que se refire a presente convocatoria, solicitará a súa inclusión nos ámbitos e categorías sinalados nos modelos de solicitude.

---

<sup>2</sup> Pendente determinar a contía das taxas administrativas

No suposto en que un/a aspirante incumprise as regras previstas no citado modelo e, se así se detectase a través dos mecanismos de control, excluírase inmediatamente de calquera listado dos solicitados. No modelo normalizado de solicitude advertirase, de modo claro e inequívoco, a aplicación desta medida.

### **Artigo 7. Elaboración das listaxes**

1. As listaxes confeccionadas ao abeiro da presente convocatoria elaboraranse pola estrita orde de puntuación que resultará da aplicación do baremo e criterios de selección establecidos nas *Bases xerais do procedemento de elaboración de listaxes de agarda para a cobertura con carácter temporal de postos de traballo do Consorcio* aprobadas polo comité directivo do Consorcio de 3 de marzo de 2008, modificadas por acordo do Comité directivo do \*\* de\*\* de 2016.

2. Unha vez se tivese realizada a baremación, publicaranse as listaxes provisionais, por categorías e ámbito territorial respectivo, na Páxina Web ([www.igualdadebenestar.org](http://www.igualdadebenestar.org)), nos taboleiros de anuncios do Consorcio e dos centros de xestión, incluíndo relación dos aspirantes admitidos/as coa súa puntuación e orde de prelación, así como dos excluídos/as, indicando a causas da súa exclusión. O anuncio da publicación das listaxes provisionais publicarase no DOG.

Contra os listados provisionais, os interesados poderán formular reclamación perante a Xerencia do Consorcio, no prazo máximo de 10 días hábiles, a partir do seguinte á data de publicación.

3. Resoltas as reclamacións, publicaranse as listas definitivas do xeito establecido para as provisionais.

Contra as listas definitivas, os aspirantes poderán presentar recurso de alzada perante a Presidencia do Consorcio, no prazo dun mes contado desde a data seguinte á data de publicación.

### **Artigo 8. Comisión de valoración e seguimento**

1. A selección dos aspirantes a integrar as listaxes de agarda efectuarase polos membros dunha Comisión de Valoración e seguimento composta por un número impar de membros que serán nomeados pola xerencia do Consorcio.

2. A Comisión poderá contar cos/as asesores que considere necesario.

### **Artigo 9. Baremo**

1. Titulacións.

Serán requisitos propios das categorías obxecto da presente convocatoria os previstos no artigo 4 desta convocatoria.

## 2. Méritos.

Teranse en conta soamente os méritos causados ata o día da publicación da presente convocatoria, que estean xustificados mediante a incorporación de copia simple dos documentos orixinais.

Aplicarase o baremo previsto no artigo 19 das *Bases xerais do procedemento de elaboración de listaxes de agarda para a cobertura con carácter temporal de postos de traballo do Consorcio*, aprobadas polo Comité Directivo do Consorcio o 3/03/2008, modificadas por acordo do Comité directivo do \*\* de\*\* de 2016.

### **Artigo 10. Vixencia das listaxes**

As persoas seleccionadas segundo o previsto na presente resolución integrarán as listaxes de agarda para a cobertura con carácter temporal de postos de traballo do Consorcio na categoría e ámbito territorial previstos na presente convocatoria.

### **Artigo 11. Xestión das listaxes e chamamentos**

A xestión das listaxes e dos chamamentos realizados ao abeiro da presente convocatoria levarase a cabo segundo o previsto nas *Bases xerais do procedemento de elaboración de listaxes de agarda para a cobertura con carácter temporal de postos de traballo do Consorcio* aprobadas polo comité directivo do Consorcio de 3 de marzo de 2008, modificadas por acordo do Comité directivo do \*\* de\*\* de 2016.

### **Artigo 12. Impugnacións**

Contra a presente resolución as persoas interesadas poderán interpor potestativamente recurso de reposición, no prazo dun mes, contado desde o día seguinte ao da súa publicación, ante a xerencia do Consorcio Galego de Servizos de Igualdade e Benestar, nos termos previstos nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, ou ben directamente recurso contencioso-administrativo, perante o órgano competente da orde xurisdiccional contencioso-administrativa, no prazo de dous meses, nos termos previstos na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, ... agosto de 2016

O xerente do Consorcio Galego de Servizos de Igualdade e Benestar

Perfecto Rodríguez Muiños  
(P.D. ...)